



Desobedientzia dinamika abiatu dute Mozal Legearen bigarren urteurrenaren atarian

HALA BEDI :: 15/06/2017

Uztailaren 1ean bi urte beteko dira Hiritar Segurtasunerako Legea edo 'Mozal Legea' indarrean sartu zenetik.

Uztailaren 1ean bi urte beteko dira Hiritar Segurtasunerako Legea edo 'Mozal Legea' indarrean sartu zenetik. Egun horretan, manifestazioa deitu du Eleak Mugimenduak Gasteizen, '*Mozal Legeari ez. Herriak desobedientzia!*' lelopean eta herri mugimendu ezberdinekin elkarlanean. Gainera, desobedientzia dinamika abiatu dute guzti honen harira, mobilizazioaren aurreko asteetan zehar ekimen gehiago iragarritz.

Dinamika honen lehenengo geltokia gaur goizean izan da Eusko Legebiltzarrean. Bertan, ekintzaile talde batek mobilizaziora deitzeko pankarta bat kokatu du Legebiltzarreko hesian. Horrekin batera, Mozal Legearen artikulua ezberdinekin egindako paperezko hegazkinak bota dituzte barrura, instituzio honen ardura salatzeke.

Izan ere, 2015 eta 2016 urteetan zehar, «Mozal Legea 8.087 aldiz aplikatu dute EAEn», ekintzaileek azaldu dutenez. Horretaz gain, 2016ko ekainaren 22an, legebiltzarrearen ordezkariak politikaren gehiengoak Mozal Legea ez aplikatzeko konpromisoa hartu zuen arren, ordutik 2016. urte amaiera arte «2.857 aldiz» aplikatu zutela ohartarazi dute.

Ekimen honetan iragarri duten bezala, uztailaren 1ean, larunbata, 18.30ean irtengo da manifestazioa Gasteizko Bilbo plazatik.

<http://halabedi.eus/2017/06/14/desobedientzia-dinamika-abiatu-dute-mozal-legearen-bigarren-urteurrenaren-atarian/>

<https://eh.lahaine.org/desobedientzia-dinamika-abiatu-dute-mozal>